

元  
和  
姓  
纂

元和遺集



元和姓纂卷六

唐林寶撰

陽湖孫星衍

歙洪瑩同校

一董

董

黃帝之後己姓國有颯叔安生董父舜賜姓董氏晉有董狐

董安于

據祕笈新書補

漢有董仲舒清和廣川人後漢有犍為人通

志後漢有董宣董鈞宣陳留人鈞犍為人此蓋脫名晉為董京董養

隴西 漢江都相董仲舒少子安子孫自廣川徙隴西裔孫

繇生昭昭七代孫德林北齊匡城令又居匡城曾孫寶亮安

西都護隴州刺史天水公生元質元珍元質右監門將軍生

憬忱慎恆暉憬軍器監生珣琬瑜琬度支郎中晉陵太守江

南東道採訪使慎右常侍生璿恆通州刺史隋驍騎將軍順

政公董純純孫恭訓唐海陵縣令

弘農 隋有隨州司馬董泚生慶慶生感感生敬元倉部郎

中幽州刺史生庭琰

河東 狀云仲舒之後唐右僕射平章事董晉生全道谿全

素解全道殿中少監谿倉部郎中全素太子中書舍人

案唐世系

表解太常寺太祝

范陽 京兆尹董叔經右史董思恭范陽人檢校司空平章

事秦亦范陽人大脣賜姓李氏改名忠臣從朱泚反伏誅

孔

孔姓殷王帝乙長子微子啟受封于宋弟微仲衍曾孫愍公

生弗父何何生宋父周周生世父勝勝生正考父正考父生

孔父嘉子孫以王父字為氏孔父生子木金父木金父生墨

夷父畢夷父生防叔仕魯爲大夫生相夏夏生鄒叔梁紇紇生巨仲尼三歲父卒十九歲娶宋亯官氏一歲生鯉字伯魚孔子爲魯司寇攝相事居鄒昌平鄉闕里魯哀公十六年卒年七十二伯魚年五十先仲尼卒伯魚生伋字子思子思爲魯穆公師作中庸及子思子四十七篇以祖業授弟子孟軻等級生子上白白生子家求求元孫允爲魏相生鮒爲陳涉博士五代孫吉封宋公吉八代孫潛潛生竺吳南昌太守允次子騰騰生襄襄生忠忠生武安國

案唐世系表武生延季大將軍太傅延季生霸

武孫霸生漢丞相博山侯光

會稽山陰 後漢末潛避地會稽遂爲郡人潛子竺生恬愉晉僕射餘不亭侯生閭安國閭生晉尙書令靖靖五代孫奐陳吏部尙書生紹安唐中書舍人生構構生若思禮部侍郎

仲思給事中若思生至著作郎構弟楨禮部員外安國晉左  
僕射五代孫範陳都官尙書範從祖弟德仁仁孫唐端州刺  
史竺次子沖七代孫梁都官尙書休源源曾孫德紹德紹生  
唐膳部郎中昌太子賓客述睿述睿生敏行

魯國 武孫霸霸曾孫均漢封褒聖侯晉封奉聖侯魏封崇  
聖侯隋汴侯唐朝褒聖侯並奉孔子祀武德時均十六代孫  
褒聖侯德倫德倫曾孫褒聖侯齊卿仲尼三十八代孫

下博 狀云本出魯國十七祖漢下博侯陽因居冀州下博  
裔孫唐國子祭酒曲阜子穎達生志元志約志亮志元國子  
司業生惠元國子司業後拜春官侍郎生立言脊言立言祠  
部郎中脊言黃州刺史志約禮部郎中生琮洪州都督志亮  
中書舍人生珪穎達族元孫巢父給事中御史大夫兄子幾

戡戡殺給事中戡殿中御史戡庫部員外

常山 處州刺史孔令斌代居恆州生垂寶河內尉

南陽 本梁人云仲尼之後孔愉從弟羣官至御史中丞生

沈沈孫琳春秋衛卿孔圉生悝鄭穆公公子嘉字子孔子孫

亦爲孔氏孫張並不詳其後

孔父

微子之後宋大司馬孔父嘉亦爲孔氏

二腫

鞏

左傳周卿士鞏簡公晉鞏朔漢侍中鞏攸

陽翟 唐戶部郎中鞏弘武陽翟人

三講

項

左傳云滅項公羊傳曰爲齊桓公所滅子孫以國爲氏項橐  
八歲服孔子項燕下相人爲楚將子梁梁兄子籍號西楚霸王  
項他項伯項襄並籍之族也漢初並封侯賜姓劉氏

隴西金城 後周有項亶周武帝賜姓辛氏孫義周唐屯田

郎中

四紙

紙

楚左紙相之後

是

吳志云是儀本姓氏孔融嘲儀曰氏字民無上乃改爲是因  
姓是焉仕吳官侍中都亭侯天寶祕書少監是光又改姓齊



氏

錡

左傳殷人六族有錡氏漢書藝文志洛陽錡華後漢荊州刺

史錡嵩

倚

漢四皓隱商山號倚里先生倚相後氏

案漢書顏師古注作錡里季此作倚里先

生未詳所本

骨丸

纂要文云人姓史記夏后氏姓

薦

晉士薦之後以王父字為氏

闕

國語有闞大夫

遺

左傳楚大夫遺章之後有遺子馮遺掩

芊

楚姓祝融子季連之後漢初楚懷王孫心項羽封爲楚懷王  
後爲義帝

南郡 隋右衛將軍芊雄曾孫端唐金吾將軍

技也

西部大人代爲酋帥後魏初各依舊號爲技也氏後魏護軍  
將軍臨江伯技也鋡石生說諛內部尙書孫爾歸生平右衛  
將軍生恭長文義北齊侍中隋信州總管新寧公文義生旻  
唐鳴水令恭隋丹州別駕生寶倫唐興國別將

尔朱

其先契胡部落大人代爲酋帥居尔朱川因以爲氏後魏有羽健秀容三百里封之以爲世業

尔縣

魏蠕蠕渠帥縣他拔尔縣來降改爲縣氏

是婁

南燕有徐州刺史是婁盧

是賁

改爲兒氏

是云

改爲高氏

是奴

改爲封氏

芊尹

楚大夫芊尹申無字之後

五旨

履

見姓苑

媯

方几反見纂要文云人姓

壘

後趙錄有壘澄本姓裴改焉

水邱

吳興人

六止

史

周太史史佚之後以女弟爲戾太子良娣生史皇孫進進生  
宣帝恭子高元

建康史氏 今隸酒泉郡史丹裔孫後漢歸義侯苞之後至  
晉永嘉亂避地河西因居建康苞裔孫寧後周安政公生祥  
隋城陽公祥弟雲期雲生令卿唐祠部郎中杭州刺史

宣城 丹孫均均子崇自杜陵受封溧陽侯遂爲郡人崇裔  
孫宋樂鄉令瓌瓌九代孫務滋唐納言溧陽子孫翽御史大  
夫又江州刺史史元道亦云崇之後也

高密 史丹之後有史曇曇曾孫節唐禮部侍郎

京兆 丹裔孫瓚留長安隋左領大將軍萬歲狀稱瓚十二

代孫寶唐鄜州都督原國公

陳留考城 今隸曹州後漢京兆尹做生弼今無聞

河南 本姓阿史那突厥科羅次汗子生蘇尼失入隋封康國公懷德郡王生大柰子仁表駙馬生忠左驍衛大將軍薛國公忠生晡宋州刺史晡生思元右金吾大將軍思元生震晉巽泰震右監門將軍生弘寧寂容寧寂生備容冀王傅巽光祿少卿泰蜀州刺史生寅審審吉州刺史

姒

官氏志渴侯氏改爲姒氏

紀

姜姓炎帝之後封紀爲齊所滅以國爲姓漢有紀信弟成子通封襄平侯

丹陽秣陵 吳有紀騭生瞻晉侍中驃騎大將軍

天水上邽 隋司農少卿紀和整生士騰隋翼州刺史士騰

生儼及儼唐雍州司倉參軍生先知先知生透吏部郎中給

事中判御史中丞生黃石黃石生經戶部郎中經生謙咸及

荊州刺史生處訥地官侍郎太府卿平章事侍中千乘伯

士

帝堯之裔杜柏之子隰叔爲晉士師至士蔦生伯成缺缺生

會會子孫氏焉後漢末交阯太守士燮

河南 隋刑部侍郎案此下脫名 士燮後生義總唐戶部郎中

杞

姒姓夏禹之後周武王封東樓公于杞後爲楚所滅子孫氏

焉

齊郡 齊有杞殖字梁今齊州有杞氏

侯

風俗通侯子著書六國時人

河南 後魏獻帝以次子為侯亥後改為侯氏官氏志侯奴氏改為侯氏

子

帝嚳之後殷湯姓子風俗通云左傳有子鉏商案左傳叔孫氏之車子鉏

商杜注車子微者鉏商名此文附會不合鄭大夫子人九

里

本理氏春秋時改焉晉有里克魯有里華鄭有里析後居襄

城者又為里相

理



咎繇爲堯理官子孫遂爲理氏殷宋有理徵

恃

齊有恃乙管仲誅之

子玉

衛大夫子玉霄之後秦穆公時大夫有子玉房

子桑

魯大夫子桑伯子之後見論語秦公孫枝字子桑其後氏焉

莊子有子桑扈

子我

曹叔孫成子生申爲子我氏衛大夫有子我羽人

子叔

世本魯文公生惠伯叔肸叔肸生聲伯嬰齊嬰齊生叔老子